



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2719/11
Sarajevo, 27.2.2012. godine

02-50-6

29-02-2012

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	29-02-2012		
Organizaciona jedinica	Klasifikacija	Broj	Prilog
01-50-6-16-8/11			

PARLAMENTARNA SKUPŠTINA BIH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavio Krunoslav Vrdoljak, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2719/11
Sarajevo, 23.2.2012. godine

Krunoslav Vrdoljak, izaslanik u Domu naroda Parlamentarne skupštine Bosne i Hercegovine, na 8. sjednici Doma naroda održanoj 21.12.2011. godine, postavio je slijedeće izaslaničko pitanje:

"Unapređenja pripadnika OS BiH od vojnika do generala u periodu od 2007. do danas vršena su potpuno nesrazmjerno u zavisnosti od pripadnosti jednom narodu. Tako je unapređeno ukupno 744 Bošnjaka, 846 Hrvata i 230 Srba. Razlog tomu su različita rješenja u zakonima MIO F BiH i RS a na štetu pripadnika OS BiH iz reda srpskog naroda.

Rješenja ovog problema postoje, tim prije što se radi o relativno malom broju pripadnika OS, odnosno malom iznosu sredstava.

Da li Ministarstvo odbrane poduzima ikakve radnje u cilju rješenja ovog veoma značajnog problema."

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo slijedeći

ODGOVOR

Promicanje pripadnika Oružanih snaga Bosne i Hercegovine se vrši na temelju Zakona o obrani ("Službeni glasnik BiH", broj: 88/05), Zakona o službi u OS BiH ("Službeni glasnik BiH", broj: 88/05, 53/07, 59/09 i 74/10), Odluke o službi generala u OS BiH, broj: 01-1367-8/04 od 01. rujna 2004. godine, Pravilnika o promicanju vojnih lica u OS BiH, broj: 13-02-3-1614/10 od 01.04.2010. godine i Uputstva za primjenu posebnih kriterija za izradu rang lista časnika i dočasnika za promicanje u viši čin u Oružanim snagama Bosne i Hercegovine, broj: 10-02-2-2546-2/10 od 20.10.2010. godine.

Promicanje u činove vrše se temeljem godišnjeg plana unapređenja, brojem i strukturom činova za promicanje.

Uvjeti za promicanje vojnih lica su navedeni u pomenutim aktima, a posebno se ističe postavljenje na formacijsko mjesto višeg čina ili da postoji upražnjeno ustrojbeno mjesto višeg čina.

U periodu 2007.-2011. godine redovno je promaknuto ukupno 744 Bošnjaka, 846 Hrvata i 240 Srba.

Razlog za ovakav nesrazmjer u promicanju u odnosu na nacionalnu zastupljenost konstitutivnih naroda u popuni Oružanih snaga Bosne i Hercegovine je nemogućnost postavljenja na ustrojbeno mjesto višeg čina lica iz reda srpskog naroda, usljed potpunosti pozicija.

Jedan od razloga za ovakvo stanje je i nemogućnost umirovljenja vojnih lica prijavljenih na obavezno mirovniško invalidsko osiguranje u Fondu MIO Republike Srpske, odnosno neusklađivanje Zakona o MIO Republike Srpske sa Zakonom o službi u OS BiH ("Službeni

glasnik BiH", broj: 88/05, 53/07, 59/09 i 74/10), što je kao obaveza entiteta regulirano člankom 82. stavak (2) Zakona o obrani ("Službeni glasnik BiH", broj: 88/05).

Ministarstvo obrane Bosne i Hercegovine je u više navrata kod nadležnih institucija Republike Srpske, pokretalo inicijativu i zahtjevalo implementaciju odredbi Zakona o službi u OS BiH ("Službeni glasnik BiH", broj: 88/05, 53/07, 59/09 i 74/10) koji se odnose na mirovinsko i invalidsko osiguranje, ali je prema mišljenju Vlade Republike Srpske, broj: 04-1-012-2-923/09 od 14.05.2009. godine, zauzet stav da je navedena inicijativa neosnovana i da je ne treba prihvatiti.

O pitanjima u vezi implementacije Zakona o službi u Oružanim snagama Bosne i Hercegovine, u dijelu koji se odnosi na umirovljenje djelatnih vojnih lica Ministarstvo obrane Bosne i Hercegovine dostavilo je Predsjedništvu Bosne i Hercegovine informaciju koja sadrži hronološki red događaja u provedbi aktivnosti na implementaciji navedenog Zakona i prijedlogom zaključaka koji imaju za cilj pokretanje aktivnosti na rješavanju nastale situacije u implementaciji Zakona o službi u Oružanim snagama Bosne i Hercegovine u kojoj pripadnici Oružanih snaga Bosne i Hercegovine, ovisno o tome u kojem entitetu su prijavljeni na mirovinsko invalidsko osiguranje, imaju nejednaka prava iz oblasti mirovinsko invalidskog osiguranja.

O navedenom problemu upoznata je i Institucija Ombudsmena za ljudska prava BiH, ured Banja Luka, koja je na osnovu pritužbi otpuštenih vojnika od Ministarstva obrane Bosne i Hercegovine tražila informaciju o tim pitanjima.

Napominjemo da je Odlukom Ustavnog suda Bosne i Hercegovine donesenoj na sjednici održanoj 27. ožujka 2011. godine utvrđeno da je Zakon o dopunama Zakona o službi u Oružanim snagama Bosne i Hercegovine („Službeni glasnik BiH“, broj: 74/10), kojim je regulirano pitanje umirovljenja vojnika u skladu sa Ustavom Bosne i Hercegovine.

Uzimajući u obzir navedeno, obavještavamo Vas da je Ministarstvo obrane Bosne i Hercegovine nakon što je u više navrata od nadležnih organa entiteta zahtjevalo implementaciju odredbi Zakona o službi u Oružanim snagama Bosne i Hercegovine koje se odnose na penzijsko i invalidsko osiguranje, u velikoj mjeri iscrpilo zakonske mogućnosti iz okvira svoje nadležnosti za rješavanje ovih pitanja.

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2719-3/11
Sarajevo, 15. 6. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.06.2012

Organizaciona jedinica	Klasifikaciona oznaka	Redni broj	Broj priloga
02-50-6-16		8/11	

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine je na 10. sjednici održanoj 12. 6. 2012. godine utvrdilo Odgovor na pitanje koje je postavio Krunoslav Vrdoljak, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2719-3/11
Sarajevo, 15. 6. 2012. godine

Krunoslav Vrdoljak, delegat u Domu naroda Parlamentarne skupštine Bosne i Hercegovine, na 8. sjednici Predstavničkog doma održanoj **21.12.2011** godine, postavio je sljedeće pitanje:

“Ima li Vijeće ministara ili nadležno ministarstvo namjeru međudržavnim ugovorom sa Hrvatskom konačno riješiti problem Buškog Blata”

Na postavljeno pitanje, Vijeće ministara Bosne i Hercegovine je na 10. sjednici održanoj
(broj)

12.6.2012. godine, utvrdilo sljedeći:
(datum sjednice)

ODGOVOR

Pitanje korištenja hidroakumulacije „Buško blato“ je u domenu institucija nadležnih za pitanja energetike i upravljanja vodama. Odgovor na ovo pitanje je sačinjen na osnovu prikupljenih mišljenja nadležnih institucija i provedenih konsultacija.

Akumulacija Buško blato je dio cjelokupnog hidroenergetskog sistema HE Orlovac Sinj, koja je izgrađena i puštena u pogon 1973. godine. Pravno lice „Hrvatska elektroprivreda – HEP“ d.d. Zagreb je, u skladu sa važećim zakonskim propisima u Federaciji BiH, osnovala privredno društvo Crpna stanica „Buško Blato“ d.o.o. Livno (ID 4281117970004). CS „Buško Blato“ d.o.o. Livno upravlja akumulacijom Buško Blato i drugim drugim objektima u sistemu HE Orlovac na teritoriji Federacije BiH, odnosno BiH.

U skladu sa odredbama čl. 118 Stavak 3. Zakona o vodama („Službene novine FBiH“, broj 70/06), privredno društvo CS „Buško Blato“ d.o.o. Livno je, u januaru 2008. godine, podnijelo Agenciji za vodno područje Jadranskog mora u Mostaru, zahtjev za produženje vodne dozvole br. UP-I-05-25-34/07. Postupak po ovom zahtjevu je okončan dana 23.05.2011. godine izdavanjem vodne dozvole

br. UP/40-1/25-4-134/09. Agencija za vodno područje Jadranskog mora uvidom u spis predmeta po navedenom zahtjevu za produženje vodne dozvole privrednom društvu CS „Buško Blato“ d.o.o. Livno, nema saznanja o postojanju „Ugovora o korištenju hidroakumulacije Buško jezero sa Republikom Hrvatskom“.

Korisnik objekta je, do sada, ispunio svoje obaveze utvrđene navedenom vodnom dozvolom, a kojom se, shodno odredbama člana 116. Zakona o vodama FBiH, ne utvrđuje pravo na korištenje vode, nego se utvrđuje namjena, način i uslovi iskorištavanja vode, režim rada objekta, način i uslovi ispuštanja otpadnih voda i drugi uslovi. Zakonom propisane obaveze po osnovu korištenja voda za proizvodnju električne energije (član 170. Zakona o vodama „Sl. novine FBiH“ broj 70/06) privredno društvo CS „Buško Blato“ d.o.o. Livno, uplaćuje putem depozitnog računa javnih prihoda Kantona 10 – Livno. Prikupljena sredstva, u skladu sa Zakonom o vodama, raspoređuje kantonalni trezor i to:

- 45% u korist budžeta kantona,
- 40% nadležnoj agenciji za vode i
- 15% u korist Fonda za zaštitu okoline u FBiH.

Zakon o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata („Službene novine FBiH“ broj 44/02), utvrđuje obavezu plaćanja naknade za privredna društva koja koriste hidroakumulacioni objekat izgrađen na potopljenom zemljištu. Ovim zakonom je utvrđena:

- visina naknade po kWh (kilovatsatu) proizvedene električne energije (0,005 KM/kWh),
- dinamika i način plaćanja,
- nadležnost Federalnog ministarstva finansija za kontrolu ovog plaćanja,
- kaznena politika.

Federalno ministarstvo finansija na osnovu dostavljenih mjesenih izvještaja od korisnika ovih sredstava (općina) kao i prikupljenih podataka od obveznika uplate o količini proizvedene električne energije izražene u kWh, kao i podataka o obračunatim i uplaćenim sredstvima po osnovu prihoda preduzeća ostvarenog korištenjem hidroakumulacionih objekata, izgrađenih na potopljenim područjima u svrhu proizvodnje električne energije i pitke i industrijske vode, vrši kontrolu obračuna i uplata po korisnicima tih naknada (po općinama), na način propisanim zakonom.

Za rješavanje vodoprivrednih pitanja sa Republikom Hrvatskom potpisan je 1996. godine Ugovor između Republike Hrvatske i Bosne i Hercegovine o uređenju vodoprivrednih odnosa. Radi ostvarivanja ciljeva ovog ugovora formirana je Komisija za vodoprivredu Republike Hrvatske i Bosne i Hercegovine, koja se bavi rješavanjem problema vezanih za vodoprivrednu problematiku.